

E virus "Naturalizacion Arubano" a tuma over di "Nederlander"

Un di feneomenonan cu tin actualmente ta cu "Serapio" ta traha pa "Jubisco NV" cu permiso haya di DOOV, y na mes momento ta dirigi su propio "Serapio NV", a pesar cu e permiso di DOOV ta bisa cu "e no mag di haci ningun otro trabao" si no ta pa Jubisco NV.

Tin un di e "Serapionan" cu ta piloto cu un compania pa cual e tin permiso pa traha.

Es decir su werkvergunning ta pa e compania aki SO.

Pero den su ora liber e ta distribui productonan, - cu e ta trece di su pais, na diferente empresa di nos isla.

El a yega di haya skwal di imigracion americano cu a pare, pero awor e ta trece e productonan cu compania di su pais, esta Venezuela.

Pa colmo "Serapio" tin tambe su "Serapio NV" estableci na Aruba.

E tin vestigingsvergunning sin cu e tin 5 ni 10 aña biba na Aruba, y ora cu controla na Bevolking, ta bin resulta cu "Serapio" ta naturaliza Arubano, sin cu el a biba na Aruba 5 of 10 aña na Aruba, y ta apenas 4 aña e tin cu permiso pa traha (werkvergunning pa un compania).

E tin vestigingsvergunning sin cu tin counterpart Arubano cu mester por tin 51 % di accionnan den NV.

E ministernan cu ta firma tur esakinan, nan ta wordo "gescreened" tambe ?

Ora puntra con e cos aki ta pasobra ta awor e tin 4 aña cu permiso di trabao, ta bin haya sa cu "Serapio" A CUMPLA SU AÑANAN pasobra di 1988 e ta bin Aruba. (no biba na Aruba, sino ta bin Aruba)

Esey kiermeen cu si mi "acto-achter-acuto primo Bucheis" cu ta di nacionalidad "Arowako" ta bin Aruba for di 1970 caba, - bay y bin, - y e tin 3 aña awor na Aruba trahando cu permiso di DOOV, e por CUMPLA su añanan di 1970 en adelante pa naturaliza ARUBANO y lanta negoshi na Aruba tambe. (minister ta firma toch)

Te asina leeuw NOS ISLA ta bayendo.

Bo ta traha cu permiso di trabao pa un compania, lanta bo propio negoshi, compra bo añanan pa naturalizacion ARUBANO riba dje.

Arubanonan si no por haya e chancen aki pa lanta nan NV y mester warda lunanan largo pa investiga prome cu por yega na tende "bo no por lanta e compania cu bo kier pasobra tin un stranhero caba cu tal tipo di compania y di dje ta mas barata cu esun di bo".

Ora cos bay malo, tur ta lanta bela bay, pasobra nan ta moviendo cu dos, tres te mil paspoort, pero ta e Arubano ta keda atras pasobra e ta "Nederlander, Hollander", pero e no ta "naturaliza Arubano".

E arubano mag come pida di e "bolo maron" so, pasobra e bolo blanco y bolo preto dushi ta pa otronan.

Awor ta puntra si e casonan aki ta conoci.

Si... e casonan aki ta conoci cerca TUR esnan cu ta envolvi, pero NADA ta wordo haci, pasobra shon "Serapio no ta Nederlander di segundo grado", manera Arubanonan.

Den asunto di permiso, ta papia tur sorto di cos, di kende mag firma, kende ta duna permiso, kende ta aproba, kende ta autoriza, pero NADA no ta ser papia di e negoshi den oficinanan di GOBIERNO mes, den oficinanan na hotelnan unda secretarianan ta yena formularionan y cobra tanto placa pa cada riba dje, parlamentarionan cu ta yena formulario etc.

Tin hasta e caso caminda un ministro a firma pa un venezolano (e SO) lanta un contratista riba nos isla mientras cu apenas e tin 3 aña riba nos isla. Pa colmo tur Arubano cu a bay tarha cune a wordo kita pa SU hendenan traha y cobra sueldo di sobrevivir.

Aki no tabata tin ni e stipulacion cu ta un Arubiano mester tin 51 % den e negoshi.

Na Aruba no ta tene cuenta mas tampoco cu stipulacion di "geen andere werkzaamheden verrichten" pasobra si bo no ta Arubano y por paga, ta cielo bo ta haya na Aruba tur caminda awor.

TAXI TA PA TURISTA SO ?

Ayera mainta mi a ripara cu aparentemente Taxi ta pa turistanan so. Un señora ta yama central di taxi pa un taxi, y a keda spera riba yegada di e taxi pasobra su auto a haya problema y e mester bay traha.

Despues di mey ora ainda e señora ta sperando te cu e no por a wanta mas y a yama atrobe y laga sa cu e no mester di taxi mas pasobra e no ta bay traha mas.

Mi a dicidi di hiba e señora aki su trabao, y e persona cu ta traha den ramo di turismo di Aruba a puntra su mes si ta pa turistanan so taxinan ta sali y pa hende local no.... Di unda cu e taxi por tabata pabao di Aeropuerto, sigur e lo no a tarda ni 15 minuut pa yega na e cas, si taxi a sali, corda sperando mey ora largo.

CON BO DIALUNA POR WORDO DAÑA

Dialuna ta e dia cu mi ta lanta cu mas smaak pa bay traha cu otro dianan mientras cu ta net e dia cu hopi hende no tin gana di lanta di cama mes. Ayera mainta mi a dicidi di bay paga mi cuentanan.

Mi a yega un Drive Thru pa algo pasa di ocho, y a resulta cu ta 8.30 or e ta habri.

Mi a bay di dos Drive Thru y a resulta cu esaki ta habri te 9 or.... Mi a bay oficina, perde poco tempo, y a bolbe sali, pero esun di 8.30 or ainda tabata tin su borch "Closed".

Mi a dal un buelta y a dicidi di dreña banco Nr. 1..... Mucho hende para den rij....., y mi a dicidi di bay banco Nr. 2, pero pa esaki no tabata tin ningun caminda den vecindario pa staciona auto, y mi a dicidi di bay banco Nr. 3 unda mes ora mi a haya lugar di staciona auto, net su dilanti.

Mi a dreña, pero un rij largo di hende aki tambe.

Sin embargo mi a dicidi di keda den rij.

Despues di 40 minuut mi a sali porfin.

Mi a bay machine di placa pa saca placa pa bay paga otro asuntunan.

E prome machine tabata "den servicio y por fabor warda un rato". Mi a bay di dos machine y e mes mensahe di ta den servicio. Mi a core bay di 3 machine y aki e mes historia. Finalmente mi a bolbe pa machine nr. 1 y e tabata funciona normal.

Mi adrenalina a subi den mi sanger y mi a dicidi di bay Setar pa paga mi "boet" di pago laat di telefon y cu nan a corta esaki.

Imaginabo, paga dia 12 na lugar di dia 11 y bo boet ta cla den computer. Pero nan no ta corta.... No, nan ta warda te fin di luna pa corta telefon ya e ora ey bo ta paga mes ora e recibo cu a dreña e dianan ey.

Na Setar mi a para den rij como number 6 y ora mi a yega dilanti mi a tende: "Meneer mester a bin cu e recibo bieuw y no e ultimo".

Mi presion a cuminsa subi tambe mes ora.

Anteriormente nan a yega di bisami cu mi mester a paga e ultimo cuenta tambe prome cu mi paga mi boet y haya conexon.

Awor a resulta cu ta e bieuw mes. Mi dia a cuminsa bira mas pisa y mi corazon a cuminsa bati for di ritmo.

Mi a sali busca e recibo bieuw den auto y dreña mes ora....

Awor mi tabata nr. 12 den rij, mi a degrada. Mi colesterol a cuminsa aumenta.

Finalmente ora mi a bin cla na Setar, mi a dicidi di bay drecha mi muffler di auto.

Mi a bay na mi garashi di custumber y a bin resulta cu el a desaparece y ta otro negoshi tin eyan awor.

Mi a bisa mi mes e ora ey: "Pasenshi jonge man!"

Di eyan mi a dicidi di bay Fergussonstraat y pa mi mala suerte, e empresa di eyan tabata "Closed". ... Pues mi a bolbe trabao !

Cu tur e migraine cu mi a haya e mainta aki, mi a traha cu mes smaak di tur dia, pasobra Aureen a cumpli aña y a treat !

Juby

JOB OPPORTUNITY?

ARUBA PALM BEACH RESORT AND CASINO

Has vacancy for the following positions:

***Security Guard**

Must be able to speak

English, Papiamentu and Spanish.

Also must be willing to work shift.

If you are interested please apply in person at the Personnel Office from Monday thru Friday

from 9:00 am to 3:00 pm

Juan E. Irausquin Blvd. 79



EMPLOYMENT OPPORTUNITY

"GIFT SHOP MINIMARKET SUPERVISOR"

Professional, service oriented person who has experience working in the retail store and enjoys working in the tourism industry. Must be fluent in English and Dutch and have basic computer skills.

Please contact D. Dreischor for an appointment Ph: 831100